

EAST ASIAN LIBRARY  
RM 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

漢魏六朝百三家集

晉

第二十九冊

杜征南  
荀公魯

V. 29-32







杜征南集



杜征南集

PL  
2494  
H38  
1879  
v. 29-32



晉杜征南集題詞

左傳之有杜元凱六經之孔孟也當  
時論者猶以質直見輕豈真貴古而  
賤今乎子雲太玄不遇桓譚幾覆醬  
甑元凱釋左非摯虞亦莫知其孤行  
天地也杜集絕無詩賦意者其雕蟲



邪彼惟彌綸經傳自託獲麟下者則  
薄之誠不欲以此有名也元凱嘗言  
三不朽庶幾立功立言其事皆踐漢  
興佐命如鄼侯刀筆高密書生不免  
望塵而拜章奏爾雅悉西京風制經  
術旣深凡文皆餘耳不期工而工此



學者糞本之說也武庫平吳功堪廟  
食釋左一書復懸日月之間爲世傳  
習其於聖經爲後先疏附也成勞過  
楊玄矣儲君降服議禮興譏是將通  
世變以就古人檀弓變禮不辭作俑  
未可與素冠之詩同相笑也



婁東張溥題



晉杜征南集目錄

奏

律令注解奏

黜陟課法略

秦川軍事

奏事

又

又

又



疏

論水利疏

又疏

表

陳伐吳至計表

再上伐吳表

請署羊祜辟士表

舉賢良方正表

又



又

議

皇太子釋服議

禽盧欽魏舒問

皇太子諒闇終制奏

又

祥裕議

書

與王濬書



與子貺書

歲終帖

親故帖

序

春秋左傳集解序

律序

論

春秋長厯論

說



春秋長厯說

譜

宗譜

令

遺令

雜文

酒論

附錄

本傳



杜征南集目錄終



晉杜征南集卷全

晉 杜預元凱 著

明 張溥西銘 閱

奏

上律令注解奏

法者蓋繩墨之斷例。非窮理盡性之書也。故文約而例直。聽省而禁簡。例直易見。禁簡難犯。易見則人知所避難。犯則幾於刑厝。刑之本在於簡直。故必審名分。審名分者。必忍小理。古之刑。



書銘之鍾鼎鑄之金石所以遠塞異端使無淫巧也。今所注皆網羅法意格之以名分使用之者。執名例以審趣舍。伸繩墨之直。去析薪之理也。

上黜陟課法畧

臣聞上古之政。因循自然。虛已委誠。而信順之道應。神感心通。而天下之理得。逮至淳樸漸散。彰美顯惡。設官分職。以頒爵祿。弘宣六典。以詳考察。然猶倚明哲之輔。建忠貞之司。使名不得。



越功而獨美功不得後名而獨隱皆疇咨博詢  
數納以言及至末世不能紀遠而求於密微疑  
諸心而信耳目疑耳目而信簡書簡書愈繁官  
方愈僞法令滋章巧飾彌多昔漢之刺史亦歲  
終奏事不制筭課而清濁粗舉魏氏考課卽京  
房之遺意其文可謂至密然繇於累細以違其  
體故厯代不能通也豈若申唐堯之舊去密就  
簡則簡而易從也夫宜盡物理神而明之存乎  
其人去人而任法則以傷理今科舉優劣莫若



委任達官。各考所統。在官一年以後。每歲言優者一人爲上第。劣者一人爲下第。因計偕以名聞。如此六載。主者總集採案。其六歲處優舉者。超用之。六歲處劣舉者。奏免之。其優多劣少者。敘用之。劣多優少者。左遷之。今考課之品。所對不鈞。誠有難易。若以難取優。以易而否。主者固當準量輕重。微加降殺。不足復曲以法盡也已。丑詔書以考課難成。聽通薦例。薦例之理。卽亦取於風聲。六年頓薦。黜陟無漸。又非古者三考



之意也。今每歲一考。則積優以成陟。累劣以取黜。以士君子之心相處。未有官故。六年六黜。清能六進。否劣者也。監司將亦隨而彈之。若令上下公相容過。此爲清議大類。亦無取於黜陟也。

### 秦川軍事

臣嘗聞邊人說虜。專以騎爲寇。穿塹不如作馬塹。馬塹法。坑方三尺。錯平穿之。虜騎非下馬平治。則終不得入。又其外蹊要路。亦可隨作塹。施槍塹中。訖薄覆其上。如此則虜當築地而行。不



林伯南集  
敢輒往來也。

奏事

竊惟籍田令。本以籍田千畝。十頃之田。計其案行周旋。不過數里。凡宗廟粢盛。御用膳羞。及羣神之調。於是取所籍戶口。足以當一縣一邑。所供至重。事貴臨履也。

又

臣前在南。聞魏興西北山。有野牛野羊。牛之大者二千斤。羊之大者數百斤。試令四求。今者各



得一枚并頭角蹄按其形不與中土相似然是  
野獸中所希有

又

藥杵白澡槃熨斗釜釜鉋槃錫鎬皆亦民間之  
急用也。

又

被勅以臣造新律事律吏杜景李復等造律皆  
未清本末之意者也



下第後題

下第後題

下第後題

下第後題

下第後題

下第後題

下第後題

下第後題



疏

論水利疏

臣輒思惟今者水災東南特劇非但五稼不收居業并損下田所在停汚高地皆多磽瘠此卽百姓困窮方在來年雖詔書切告長吏二千石爲之設計而不廓開大制定其趨舍之宜恐徒文具所益蓋薄當今秋夏蔬食之時而百姓已有不贍前至冬春野無青艸則必指仰官穀以爲生命此乃一方之大事不可不豫爲思慮者



也。臣愚謂既以水爲困。當恃魚菜螺蚌而洪波  
汎濫。貧弱者終不能得。今者宜大壞兗豫州東  
界諸陂。隨其所歸而宣導之。交令飢者盡得水  
產之饒。百姓不出境界之內。且暮野食。此目下  
日給之益也。水去之後。填淤之田。畝收數鍾。至  
春大種。五穀必豐。此又明年之益也。臣前啓典  
牧種牛。不供耕駕。至於老不穿鼻者。無益於用。  
而徒有吏士穀艸之費。歲送任駕者甚少。尚復  
不調習。宜大出賣。以易穀。及爲賞直。詔曰。孳育

之物不宜減散。事遂停寢。問主者。今典虞右典  
牧種產牛。大小相通。有四萬五千餘頭。苟不益  
世用。頭數雖多。其費日廣。古者匹馬丘牛。居則  
以耕。出則以戰。非如猪羊類也。今徒養宜用之  
牛。終爲無用之費。甚失事宜。東南以水田爲業。  
人無牛犢。今旣壞陂。可分種牛三萬五千頭。以  
付二州將吏士庶。使及春耕。穀登之後。萬頭責  
二十斛。是爲化無用之費。得運水次成穀七百  
萬斛。此又數年後之益也。加以百姓降丘宅土。



將來公私之饒。乃不可計。其所留好種萬頭。可  
卽令右典牧都尉官屬養之。人多畜少。可竝佃  
牧地。明其考課。此又三魏近甸。歲當復入數千  
萬斛穀牛。又皆當調習。動可駕用。皆今日之可  
全者也。

又疏

諸欲脩水田者。皆以火耕水耨爲便。非不爾也。  
然此事施於新田草萊。與百姓居相絕離者耳。往  
者東南艸創人稀。故得水田之利。自頃戶口日

增。而陂竭歲決。良田變生蒲葦。人居沮澤之際。水陸失宜。放牧絕種。樹木立枯。皆陂之害也。陂多則土薄。水淺潦不下潤。故每有水雨。輒復橫流。延及陸田。言者不思其故。因云此土不可陸種。臣計漢之戶口。以驗今之陂處。皆陸業也。其或有舊陂舊竭。則堅完修固。非今所謂當爲人害者也。臣前見尚書胡威啓。宜壞陂。其言懇至。臣中者。又見宋侯相應。遵上便宜。求壞泗陂。徙運道。時下都督度支共處當。各據所見。不從遵。



言臣按遵上事。運道東詣壽春。有舊渠。可不繇  
泗陂。泗陂有遵地界。壞地凡萬三千餘頃。傷敗  
成業。遵縣領應佃二千六百口。可謂至少。而猶  
患地狹。不足盡力。此皆水之爲害也。當所共恤。  
而都督度支。方復執異。非所見之難。直以不同  
害理也。人心所見。旣不同。利害之情。又有異。軍  
家之與郡縣士大夫之與百姓。其意莫有同者。  
此皆偏其利。以忘其害者也。此理之所以未盡。  
而事之所以多患也。臣又按豫州界二度支所。

增而陂塌歲決。良田變生蒲葦。人居沮澤之際。水陸失宜。放牧絕種。樹木立枯。皆陂之害也。陂多則土薄。水淺。潦不下潤。故每有水雨。輒復橫流。延及陸田。言者不思其故。因云此土不可陸種。臣計漢之戶口。以驗今之陂處。皆陸業也。其或有舊陂舊塌。則堅完修固。非今所謂當爲人害者也。臣前見尚書胡威啓。宜壞陂。其言懇至。臣中者。又見宋侯相應。遵上便宜。求壞泗陂。徒運道。時下都督度支共處當。各據所見。不從遵。



言臣按遵上事。運道東詣壽春。有舊渠。可不繇  
泗陂。泗陂有遵地界。壞地凡萬三千餘頃。傷敗  
成業。遵縣領應佃二千六百口。可謂至少。而猶  
患地狹。不足盡力。此皆水之爲害也。當所共恤。  
而都督度支。方復執異。非所見之難。直以不同  
害理也。人心所見。旣不同。利害之情。又有異。軍  
家之與郡縣士大夫之與百姓。其意莫有同者。  
此皆偏其利。以忘其害者也。此理之所以未盡。  
而事之所以多患也。臣又按豫州界二度支所。

領佃者。州郡大軍雜士。凡用水田七千五百餘  
頃耳。計三年之儲。不過二萬餘頃。以常理言之。  
無爲多積無用之水。況於今者。水潦貧溢。大爲  
災害。臣以爲與其失當。寧瀉之不滴。宜發明詔  
勅。刺史二千石。其漢氏舊陂舊埭。及山谷私家  
小陂。皆當修繕。以積水。其諸魏氏以來所造立。  
及諸因雨決溢。蒲葦馬腸陂之類。皆決漑之。長  
吏二千石。躬親勸功。諸食力之人。並一時附功  
令。比及水凍。得粗枯涸。其所修功實之人。皆以



俾之。其舊陂塌溝渠。當有所補塞者。皆尋求微跡。一如漢時故事。豫爲部分列上。須冬東南休兵交代。各留一月以佐之。夫川瀆有常流地形。有定體。漢氏居人衆多。猶以無患。今因其所患。而宜寫之跡。古事以明近大理。顯然可坐論。而得臣不勝愚意。竊謂。是今日之實益也。

表

陳伐吳至計表

自閏月以來。賊但勅嚴下。無兵上。以理勢推之。  
賊之窮計。力不兩完。必先認上流。勤保夏口。以  
東。以延視息。無緣多兵西上。空其國都。而陛下  
過聽。便用委棄大計。縱敵患生。此誠國之遠圖。  
使舉而有敗。勿舉可也。事爲之制。務從完牢。若  
或○有○成○則○開○太○平○之○基○不○成○不○過○費○損○日○月○之○  
間○何○惜○而○不○一○試○之○若○當○須○後○年○天○時○人○事○不○



得如常。臣恐其更難也。陛下宿議分命臣等。隨  
界分進。其所禁持。東西同符。萬安之舉。未有傾  
敗之慮。臣心實了。不敢以曖昧之見。自取後累。  
唯陛下察之。

再上伐吳表

羊祜與朝臣多不同。不先博畫。而密與陛下共  
施此計。故益令多異。凡事當以利害相較。今此  
舉十有八九利。其一二止於無功耳。其言破敗  
之形。亦不可得。直是計不出已功。不在身各恥。

其前言故守之也。自頃朝廷事無大小。異意鋒起。雖人心不同。亦繇恃恩。不慮後難。故輕相同異也。昔漢宣帝議趙克國所上。事效之後。詰責諸議者。皆叩頭而謝。以塞異端也。自秋已來。討賊之形頗露。若今中止。孫皓怖而生計。或徙都武昌。更完修江南諸城。遠其居人。城不可攻。野無所掠。積大船於夏口。則明年之計。或無所及。

請署羊祜辟士表

祜開府累年。謙讓不辟士。始有所命。會卒。不得除署。故叅佐劉僧等。賤詣預預。



表上  
不許

祐雖開府而不備僚屬。引謙之至。宜見顯明。及  
扶疾辟士。未到而沒。家無胤嗣。官無命士。此方  
之望。隱憂載懷。夫篤終追遠。人德歸厚。漢祖不  
惜四千戶之封。以慰趙子弟心。請議之。

舉賢良方正表

按蘇贊布行於艸野。著德於閭閻。放心直意。若  
得珥筆丹墀。推訪格言。必有諤諤匪躬之節。

又

若得言論。端委太學。錯總藝文。垂纓玉陛。論道  
紫宮。誠帝宮之瑰寶。清廟之偉器。

又

長史劉儉修治洛陽以東。運渠通舟。嘗用赤馬。





議

# 皇太子釋服議

秦始皇十年。武元楊皇后崩。及將遷于峻陽陵。依舊制。既葬。帝及羣臣除喪。卽吉。先是尚書祠部奏從博士張靖議。皇太子亦從制。俱釋服。博士陳達議以爲今制所依。蓋漢帝權制。與于有事。非禮之正。皇太子無有國事。自宜終服。有詔更詳議。預議云。

古者天子諸侯三年之喪。始同齊斬。既葬除喪服。諒闇以居。心喪終制。不與士庶同禮。漢氏承秦。天下爲天子脩服三年。漢文帝見其下不可



久行而不知古制。更以意制。祥禫除喪卽吉。魏氏直以訖。塋爲節。嗣君皆不復諒闇終制。學者非之久矣。然竟不推究經傳。考其行事。專謂王者三年之喪。當以衰麻終二十五月。嗣君苟若此。則天子羣臣。皆不得除喪。雖志在居篤。更通而不行。至今世主。皆從漢文輕典。由處制者非制也。今皇太子與尊同體。宜復古典。卒哭除衰麻。以諒闇終制。於義旣不應不除。又無取於漢文。乃所以篤喪禮也。

答盧欽魏舒問

時尚書僕射盧欽尚書魏舒問預證據所依預答云于是欽舒遂命預造議奏

傳稱三年之喪自天子達此謂天子絕基唯有三年喪也。非謂居喪衰服三年與士庶同也。故后世子之喪而叔嚮稱有三年之喪二也。周公不言高宗服喪三年而云諒闇三年此釋服心喪之文也。叔嚮不譏景王除喪而譏其燕樂已早。明旣葬應除而違諒闇之節也。春秋晉侯享諸侯子產相鄭伯時簡公未葬請免喪以聽命。



君子謂之得禮。宰咺來歸惠公仲子之賵。傳曰。弔生不及哀。此皆旣葬除服。諒闇之證。先儒舊說。往往亦見學者未之思耳。喪服諸侯爲天子亦斬衰。豈可謂終服三年耶。上考七代。未知王者。君臣上下。衰麻三年者。諸下推將來。恐百世之主。其理一也。非必不能。乃事勢不得。故知聖人不虛設不行之制。仲尼曰。禮所損益。雖百世可知。此之謂也。

皇太子諒闇終制奏

侍中尚書令司空魯公臣賈克、侍中尚書僕射  
奉車都尉大梁侯臣盧欽、尚書新沓伯臣山濤、  
尚書奉車都尉平春侯臣胡威、尚書劇陽子臣  
魏舒、司尚書堂陽子臣石鑒、尚書豐樂亭侯臣  
杜預、稽首言、禮官叅議博士張靖等議、以爲孝  
文權制三十六日之服、以日易月、道有污隆、禮  
不得全、皇太子亦宜割情除服、博士陳遼等議、  
以爲三年之喪、人子所以自盡、故聖人制禮、自  
上達下、是以今制將吏諸遭父母喪、皆假寧二



十五月。敦崇孝道。所以風化天下。皇太子至孝。著于內。而衰服除于外。非禮所謂稱情者也。宜其不除。臣欽。臣舒。臣預。謹按靖達等議。各見所學之一端。未統帝者居喪。古今之通禮也。自上及下。尊卑貴賤。物有其宜。故禮有以多爲貴者。有以少爲貴者。有以高爲貴者。有以下爲貴者。唯其稱也。不然。則本末不經。行之不遠。天子之與羣臣。雖哀樂之情若一。而所居之宜實異。故禮不得同。易曰。上古之世。喪期無數。虞書稱三

載四海遏密八音其後無文至周公旦乃稱殷之高宗諒闇三年不言其傳曰諒信也闇默也下逮五百餘歲而子張疑之以問仲尼仲尼答云何必高宗古之人皆然君薨百官總已以聽於冢宰三年周景王有后世子之喪旣葬除喪而樂晉叔向譏之曰三年之喪雖貴遂服禮也王雖弗遂宴樂已早亦非禮也此皆天子喪事見於古文者也稱高宗不云服喪三年而云諒闇三年此釋服心喪之文也譏景王不譏其除



卒而譏其宴樂已早。明旣葬應除。而違諒闇之  
節也。堯崩。舜諒闇三年。故稱遏密八音。由此言  
之。天下居喪。齊斬之制。菲杖經帶。當遂其服。旣  
葬而除。諒闇以終之。三年無改父之道。故百官  
總已。聽於冢宰。喪服已除。故稱不言之美。明不  
復寢苫枕土。以荒大政也。禮記三年之喪。自天  
子達。又云。父母之喪。無貴賤一也。又云端衰喪  
車。皆無等。此通謂天子居喪。衣服之節。同於凡  
人。心喪之禮。終於三年。亦無服喪三年之文。然

繼體之君。猶多荒。宜自從廢諱闇之制。至今高宗擅名於往代。子張致疑於當時。此乃賢聖所以爲譏。非譏天子不以服終喪也。秦燔書籍。率意而行。亢上抑下。漢祖艸創。因而不革。乃至率天下皆終重服。旦夕哀臨。經懼寒暑。禁塞嫁娶。飲酒食肉。制不稱情。是以孝文遺詔。歛畢便塋。塋畢制紅禪之除。雖不合高宗諱闇之義。近於古典。故傳之後嗣。于時預修陵廟。故歛塋得在浹辰之內。因以定制。近至明帝。存無陵寢。五旬



乃塋。安在三十六日。此當時經學疏略。不師前  
聖之病也。魏氏革命。以旣塋爲節。合於古典。然  
不垂心諒闇。同譏前代。自泰始開元。陛下追尊  
諒闇之禮。慎終居篤。允臻古制。超絕於殷宗。天  
下歌德。誠非靖等所能原本也。天子諸侯之禮。  
當以具矣。諸侯惡其害已。而削其籍。今其存者。  
唯主喪一篇。戴聖之記。襍錯其間。亦難以取正。  
天子之位至尊。萬機之政至大。羣臣之衆至廣。  
不同之於凡人。故大行旣塋。祔祭于廟。則因疏。

而除之。已不除。則羣臣莫敢除。故屈已以除之。而諒闇以終制。天下之人皆曰。我王之仁也。屈已以從宜。皆曰。我王之孝也。旣除而心喪。我王猶若此之篤也。凡等臣子亦焉得不自勉以崇禮。此乃聖制移風易俗之本。高宗所以致雍熙。豈惟衰裳而已哉。若如難者。更以權制自居。疑於屈伸厭降。欲以職事爲斷。則父在爲母基。父卒三年。此以至親屈於至尊之義也。出母之喪。以至親爲屬。而長子不得有制。體尊之義。升降。



皆從不敢獨也。禮諸子之職，掌國子之倅，國有事則帥國子而致之太子，唯所用之。傳曰：君行則守，有守則從。從曰撫軍，守曰監國，不無事矣。喪服母爲長子，妻爲夫，妾爲主，皆三年。內宮之主，可謂無事。揆度漢制，孝文之喪，紅禪旣畢，孝景卽吉於未央，薄后竇后必不得齊斬於別宮。此可知也。況皇太子配貳之至尊，與國爲體，回宜遠遵古禮。近同時制，屈除以寬諸下，協一代之成典。君子之於禮，有直而行，曲而報，有經而

等有順而去之。存諸內而已。禮云非玉帛之謂  
喪。云惟衰麻之謂乎。此旣臣等所謂經制大義。  
且卽實近言。亦有不妥。今皇太子至孝蒸蒸。發  
於自然。號咷之慕。匍匐殯宮。大行旣奠。往而不  
反。必想像平故。彷徨寢殿。若不變從諒闇。則東  
宮臣僕。義不釋服。此爲永福官屬。當獨衰麻從  
事。出入殿省。亦難以繼。今將吏雖蒙同二十五  
月之事。宜至於大臣。亦奪其制。昔翟方進。自以  
身爲漢相。居喪三十六日。不敢踰國典。而況於



皇太子。臣等以爲皇太子宜如前奏。除服諒闇制。

又

于是太子遂以厭降之議。從國制。除衰麻。諒闇終制。

諒闇之制。乃自上古。是以高宗無服喪之文。而惟文稱不言。漢文限三十六日。魏氏以降。旣虞爲節。皇太子與國爲體。理宜釋服。卒哭便除。

祥祿議

易曰。上古之代。喪期無數。自殷高宗諒闇三年。

不稱服喪三年而稱諒闇三年此釋服心喪之  
謂大戴篇曰昔武王崩成王十三而嗣立周公  
居冢宰攝政明年六月既葬周公冠成王而朝  
於祖以見諸侯命祝雍作頌是三年之內時明  
矣故今禘祀烝嘗於是行焉昔仲尼之制春秋  
也因魯史以明王法喪中之祥祿譏貶之文著  
焉。





書

與王濬書

帝初令濬下建平。受杜預節度。濬至西陵。預與濬書。濬大悅。表呈濬書。及濬將至秣陵。王渾遣信。要令暫過。論事。濬舉帆。直指。報曰。風利。不得泊也。

足下既摧其西藩。便當徑取秣陵。討累世之逋

寇。釋吳人於塗炭。自江入淮。逾於泗汴。沂河而

上。振旅還都。亦曠世一事也。

秣陵通鑑作建業

與子貺書

預子錫無名貺者

按晉書杜預傳。封子耽為亭侯。邑千戶。豈預有別子名耽。而貺為耽子之訛耶。

知汝頗欲念學。令同還車。到副書。可按錄受之。



當別置一宅中。勿復以借人。

歲終帖

十一月十四日預頓首。歲忽已終。別久益兼其勞、道、遠、書、問、又、簡、間、得、來、况、知、消、息、中、省、次、若

言面

米云真

親故帖

親故數移轉想祖父。白具云也。祖父如足下來言。小大云具絕。汝親親也。有信數附書信。以慰

吾心也。

黃伯思法帖刊誤云。道遠書問。又簡間得來。况非當時尺牘中語。或是江左人。

書不時特親故帖誤也數附書信以慰吾  
心亦近世流俗語耳此帖米云僞

上王右軍集

卷八

書

三



杜征南集

卷全

序

春秋左傳集解序

春秋者。魯史記之名也。記事者以事繫日。以日繫月。以月繫時。以時繫年。所以紀遠近。別同異也。故史之所記。必表年。以首事。年有四時。故錯舉以爲所記之名也。周禮有史官。掌邦國四方之事。達四方之志。諸侯亦各有國史。大事書之於策。小事簡牘而已。孟子曰。楚謂之檇杌。晉謂之乘。而魯謂之春秋。其實一也。韓宣子適魯。見



易象與魯春秋曰。周禮盡在魯矣。吾乃今知周公之德。與周之所以王也。韓子所見。蓋周之舊典禮經也。周德既衰。官失其守。上之人不能使春秋昭明。赴告策書。諸所記注。多違舊章。仲尼因魯史策書成文。考其真僞。而志其典禮。上以遵周公之遺制。下以明將來之法。其教之所存。文之所害。則刊而正之。以示勸戒。其餘則皆即用舊史。史有文質。辭有詳畧。不必改也。故傳曰。其善志。又曰。非聖人孰能修之。蓋周公之志。仲尼

從而明之。左丘明受經於仲尼。以爲經者不刊之書也。故傳或先經以始事。或後經以終義。或依經以辯理。或錯經以合異。隨義而發其例之所重。舊史遺文。略不盡舉。非聖人所修之要故也。身爲國史。躬覽載籍。必廣記而備言之。其文緩其旨遠。將令學者原始要終。尋其枝葉。究其所窮。優而柔之。使自求之。饜而飫之。使自趨之。若江河之浸。膏澤之潤。渙然水釋。怡然理順。然後爲得也。其發凡以言例。皆經國之常制。周公



之垂法。史書之舊章。仲尼從而修之。以成一經之統體。其微顯闡幽。裁成義類者。皆據舊例而發義。指行事以正褒貶。諸稱書不書。先書故書。不言不稱。書曰之類。皆所以啓新舊。發大義。謂之變例。然亦有史所不書。卽以爲義者。此蓋春秋新義。故傳不言凡。曲而暢之也。其經無義例。因行事而言。則傳直言其歸趣而已。非例也。故發傳之體有三。而爲例之情有五。一曰微而顯。文見於此。而義起於彼。稱族尊君命。舍族尊夫。

人梁亡城緣陵之類是也。二曰志而晦約言示制。推以知例。參會不地。與謀曰及之類是也。三曰婉而成章。曲從義訓。以示大順。諸所諱辟。譬假許田之類是也。四曰盡而不汙。直書其事。具文見意。丹楹刻桷。天王求車。齊侯獻捷之類是也。五曰懲惡而勸善。求名而亡。欲蓋而章。書齊豹盜。三叛人名之類是也。推此五體。以尋經傳。觸類而長之。附于二百四十二年行事。王道之正。人倫之紀。備矣。或曰春秋以錯文見義。若如



所論則經當有事同文異而無其義也。先儒所傳皆不其然。答曰：春秋雖以一字爲褒貶，然皆須數句以成言。非如八卦之爻，可錯綜爲六十四也。固當依傳以爲斷。古今言左氏春秋者多矣。今其遺文可見者十數家。大體轉相祖述，進不得爲錯綜經文以盡其變，還守丘明之傳。於丘明之傳有所不通，皆沒而不說，而更膚引公羊穀梁適足自亂。預今所以爲異，專修丘明之傳以釋經，經之條貫必出於傳，傳之義例摠

歸諸凡推變例以正褒貶簡二傳而去異端蓋  
丘明之志也。其有疑錯則備論而闕之以俟後  
賢。然劉子駿創通大義。賈景伯父子許惠卿皆  
先儒之美者也。未有穎子嚴者。雖淺近亦復名  
家。故特舉劉賈許穎之違以見同異。分經之年  
與傳之年相附。比其義類各隨而解之。名曰經  
傳集解。又別集諸例。及地名譜第歷數相與爲  
部。凡四十部。十五卷。皆顯其異同從而釋之。名  
曰釋例。將令學者觀其所聚異同之說。釋例詳



之也。或曰。春秋之作。左傳及穀梁無明文。說者以爲仲尼自衛反魯。修春秋。立素王。丘明爲素臣。言公羊者。亦云黜周而王魯。危行言孫。以避當時之害。故微其文。隱其義。公羊經止獲麟。而左氏經終孔丘卒。敢問所安。答曰。異乎余所聞。仲尼曰。文王旣沒。文不在茲乎。此制作之本意也。歎曰。鳳鳥不至。河不出圖。吾已矣夫。蓋傷時王之政也。麟鳳五靈。王者之嘉瑞也。今麟出非其時。虛其應而失其歸。此聖人所以爲感也。絕

筆於獲麟之一句者。所感而起。固所以爲終也。  
曰。然則春秋何始于魯隱公。答曰。周平王東周  
之始。王也。隱公讓國之賢君也。考乎其時。則相  
接言乎其位。則列國本乎其始。則周公之祚。肩  
也。若平王能祈天永命。紹開中興。隱公能弘宣  
祖業。光啓王室。則西周之美。可尋。文武之迹。不  
墜。是故因其厯數。附其行事。采周之舊。以會成  
王義。垂法將來。所書之王。卽平王也。所用之厯。  
則周正也。所稱之公。卽魯隱也。安在其黜周而。



王魯乎。子曰：如有用我者，吾其爲東周乎？此其義也。若夫制作之文，所以彰往考來，情見乎辭，言高則旨遠，辭約則義微。此理之常，非隱之也。聖人包周身之防，旣作之後，方復隱諱以避患，非所聞也。子路欲使門人爲臣，孔子以爲欺天，而云仲尼素王。丘明素臣，又非通論也。先儒以爲制作三年，文成致麟，旣已妖妄，又引經以至仲尼卒，亦又近誣。據公羊經止獲麟，而左氏小邾射不在三叛之數，故余以爲感麟而作，作起

獲麟則文止於所起爲得其實至於反袂拭面  
稱吾道窮亦無取焉義起于彼五臣作起義在  
諱辟善本作避諱若此  
五臣作若如有所善作其所公卽五臣作公則

### 律序

律者以正罪名。令者以序事制。二者相須爲用也。



杜衍南集

卷全

三

論

春秋長厯論

書稱期三百六旬有六日。以閏月定四時成歲。允釐百工。庶績咸熙。是以天子必置日官。諸侯必置日御。世修其業。以考其術。舉全數而言。故曰六日。其實五日四分之。一日日行一度。而月日行十三度十七分度之七有奇。日官當會集此之遲疾。以考成晦朔。錯綜以設閏月。閏月無中氣而北斗邪指兩辰之間。所以異於他月也。積



此以相通。四時八節無違。乃得成歲。其微密至矣。得其精微。以合天道。事敘而不悖。故傳曰。閏以正時。時以作事。事以厚生。生民之道。於是乎在。然陰陽之運。隨動而差。差而不已。遂與厯錯。故仲尼丘明每於朔閏。發文蓋矯。正得失。因以宣明厯數也。桓十七年日食。得朔而史闕其日。單書朔。僖十五年日食。而史闕朔與日。故傳因其得失。竝起時史之謬。兼以明其餘日食。或厯失其正也。莊二十五年經書六月辛未朔日有

食之。鼓用牲于社。周之六月。夏之四月。所謂正陽之月也。而時厯誤。實是七月之朔。非六月。故傳云非常也。唯正月之朔。厯未作。日有食之。於是乎有用幣于社。伐鼓于朝。此非用幣伐鼓。常月因變而起。厯誤也。文十五年。經文皆同。而更復發傳曰。非禮。明前傳欲以審正陽之月。後傳發例。欲以明諸侯之禮也。此乃聖賢之微旨。先儒所未喻也。昭十七年。夏六月。日有食之。而平子言非正陽之月。以誣一朝。近於指鹿爲馬。故



傳曰不君矣。且因以明此月爲得天正也。劉子駿造三統厯以修春秋。春秋日食有甲乙者三十四。而三統厯唯一食。厯術比諸家旣最疎。又六千餘歲。輒益一日。凡歲當累日爲次。而無故益之。此不可行之甚者。班固前代名儒。而謂之最密。非徒班固也。自古以來。諸論春秋者。多述謬誤。或造家術。或用黃帝以來諸厯。以推經傳。又朔日皆不得諧合。日食於朔。此乃天驗。經傳又書其朔食。可謂得天。而劉賈諸儒說皆以爲月

二日或三日。公違聖人明文其弊在於守一元。不與天消息也。余感春秋之事嘗著厯論極言。厯之通理其大指曰天行不息日月星辰各運其舍皆動物也。物動則不一雖行度大量可得而限累日爲月以新故相序不得不有毫毛之差。此自然理也。故春秋日有頻月而食者曠年不食者理不得一而筭守恒數故厯無不有差失也。始失於毫毛而尚未可覺積而成多以失弦望朔晦則不得不改憲以從之書所謂欽若



昊天。厯象日月星辰。易所謂治厯明時。言當順天。以求合。非爲合。以驗天者也。推此論之。春秋二百餘年。其治厯變通多矣。雖數術絕滅。還尋經傳微旨。大量可知。時之違謬。則經傳有驗。學者固當曲循經傳。月日日之食。以考朔晦也。以推時驗而皆不然。各據其學。以推春秋。此無異度已之跡。而欲削他人之足也。余爲厯論之後。至咸寧中。善筭李修夏顯。依論體爲術。名乾度。厯表上朝廷。其術合日行四分之數。而微增月。

行。用三百歲改憲之意。二元相推。七十餘歲。承以強弱。強弱之差。蓋少。而適足以遠通盈縮。時尚書及史官。以乾度與太始歷參校古今記注。乾度歷殊勝今。其術具存。時又并攷古今十歷以驗春秋。知三統歷之最疎也。今具列其時得失之數。又據經傳微旨證據。及失閏旨。考日辰朔晦以相發明。爲經傳長歷。諸經傳證據。及失閏時文字謬誤。皆甄發之。雖未必其得天。蓋春秋當時文歷也。學者覽焉。



杜征南集

卷全

三

說

春秋長厯說

與論畧同

日行一度。月行十三度十七分之七有奇。日官當會集此之遲疾。以考成晦朔。以設閏月。閏月無中。氣而北斗邪指兩辰之間。所以異於他月。積此以相通四時八節無違。乃得成歲。其微密至矣。得其精微。以合天道。則事敘而不僇。故傳曰。閏以正時。時以作事。然陰陽之運。隨動而差。差而不已。遂與厯錯。故仲尼丘明。每於朔閏。發文。



蓋矯正得失。因以宣明。厯數也。劉子駿造三統。厯以修春秋。日蝕有甲乙者三十四。而三統厯。惟得一蝕。比諸家旣最疎。又六千餘歲。輒益一日。凡歲當累日爲次。而故益之。此不可行之甚者。自古以來。諸論春秋者。多述謬誤。或造家術。或用黃帝已來諸厯。以推經傳。朔日皆不諧合。日蝕於朔。此乃天驗。經傳又書其朔蝕。可謂得天。而劉賈諸儒說。皆以爲月二日。或三日。公違聖人明文。其弊在於守一元不與天消息也。余

感春秋之事。嘗著厯論。極言厯之通理。其大指曰。天行不息。日月星辰各運其舍。皆動物也。物動則不一。雖行度有大量。可得而限。累日爲月。累月爲歲。以新故相涉。不得不有毫末之差。此自然之理也。故春秋日有頻月而蝕者。曠年不蝕者。理不得一。而筭守恆數。故厯無不有先後也。始失於毫毛。而尚未可覺。積而成多。以失弦望晦朔。則不得不改憲以從之。書所謂欽若昊天。厯象日月星辰。易所謂治厯明時。言當順天。



以求合。非爲合。以驗天者也。推此論之。春秋二百餘年。其治厯變通多矣。雖數術絕滅。遠尋經傳微旨。大量可知。時之違謬。則經傳有驗。學者固當曲循經傳。月日日蝕。以考晦朔。以推時驗。而皆不然。各據其學。以推春秋。此無異於度已之跡。而欲削他人足也。余爲厯諸論之後。至咸寧中。善筭者李修十顯。依論體爲術。名乾度厯表。上朝廷。其術合日行四分數。而微增月術用三百歲改憲之意。二元相推。七十餘歲。承以強弱。

強弱之差蓋少。而適足以遠通盈縮。時尚書反  
史官。以乾度與泰始歷參校古今記注。乾度歷  
殊勝泰始歷。上勝官歷四十五事。今其術具存。  
又并考古今十歷以驗春秋。知三統之最疏也。



本行南集

卷全

三

譜

宗譜

別子者。君之嫡妻之子。長子之母弟也。君命爲祖。其子則爲太宗。常有一主。審昭穆之序。辨親疎之別。是故百代不遷。若無子。則支子爲後。雖七十無無主婦。若殤死。則縗經加一等。以兄弟之列代之。殤無爲父道。兄弟昭穆同故也。死皆爲之齊縗。其月數各隨親疎爲限。雖尊雖出嫁。猶不敢降也。屬絕。則爲之齊縗三月。若始封君。



相傳。則自祖始封君。其支子孫皆宗太宗。然則繼體君爲中宗之尊。支庶莫敢宗之。是以命別子爲宗主。一宗奉之。故曰祖者。高祖也。言屬逮於君。則就君。屬絕於君。則適宗子家也。而說者或云君代代得立太宗。或云別子之母弟亦得爲祖。或云命妾子爲別子。其嫡妻子則遷宗於君。皆非也。別子之弟。子孫無貴賤。皆宜宗別子之子孫。小宗。一家之長也。同族則宗之。其服隨親疎爲比。姊妹出嫁。不敢降之。五屬斷服。則不

宗之矣。

王正南集

卷全

譜

三



和名百集

卷全

三

令

遺令

古不合葬。明於終始之理。同於無有也。中古聖人。改而合之。蓋以別合無在。更緣生以示教也。自此以來。大人君子。或合或否。未能知生。安能知死。故各以已意所欲也。吾往爲臺郎。嘗以公事使過密縣之邢山。山上有冢。問耕父云。是鄭大夫祭仲。或云子產之冢也。遂率從者祭而觀焉。其造冢居山之頂。四望周達。連山體南北之



正而邪。東北向新鄭城。意不忘本也。其隧道唯塞其後。而空其前。不填之。示藏無珍寶。不取於重深也。山多美石。不用。必集涓水自然之石。以爲冢藏。貴不勞工巧。而此石不入世用也。君子尚其有情。小人無利可動。厯千載無毀儉之致也。吾去春入朝。因郭氏卒亡。緣陪陵舊義。自表營洛陽城東首陽之南。爲將來兆域。而所得地中有小山。上無舊冢。其高顯雖未足比邢山。然東奉二陵。西瞻宮闕。南觀伊洛。北望夷狄。曠然

遠覽情之所安也。故遂表樹開道爲一定之制。至時皆用洛水圓石。開隧道南向。儀制取法於鄭大夫。欲以儉自完耳。棺器小歛之事。皆當稱此。達一作遠 耕父御覽作耕者祭作登有情作儉



本征南集

卷全

三

襍文

酒論

重醞醇醴。沃土泉清。甜苦無常。五味相并。





本傳

杜預字元凱京兆杜陵人也。祖畿魏尚書僕射。父恕幽州刺史。預博學多通。明於興廢之道。常言德不可以企及。立功立言可庶幾也。初其父與宣帝不相能。遂以幽死。故預久不得調。文帝嗣位。預尚弟妹高陸公主起家拜尚書郎。襲祖爵豐樂亭侯。在職四年。轉叅相府軍事。鍾會伐蜀。以預爲征西長史。及會反。寮佐並遇害。唯預以智獲免。增邑千一百三十戶。與車騎將軍賈



克等定律令。既成。預爲之注解。乃奏之。詔班于天下。泰始中。守河南尹。預以京師王化之始。自近及遠。凡所施論。務崇大體。受詔爲黜陟之課。司隸校尉石鑒以宿憾奏預免職。時虜寇隴右。以預爲安西軍司。給兵三百人。騎百匹。到長安。更除秦州刺史。領東羌校尉。輕車將軍。假節。屬虜兵強盛。石鑒時爲安西將軍。使預出兵擊之。預以虜乘勝馬肥。而官軍懸乏。宜并力大運。須春進討。陳五不可。四不須。鑒大怒。復奏預擅餽。

城門官舍、稽乏軍興、遣御史檻車徵詣廷尉、以預尙主在八議、以侯贖論其後、隴右之事、卒如預策、是時朝廷皆以預明于籌略、會匈奴帥劉猛舉兵反、自并州西及河東平陽、詔預以散侯定計省闕、俄拜度支尚書、預乃奏立籍田、建安邊論、處軍國之要、又作人排新器、興常平倉、定穀價、較塩運、制課調、內以利國、外以救邊者、五十餘條、皆納焉、石鑒自軍還、論功不實、爲預所糾、遂相讐恨、言論誼譏、並坐免官、以侯兼本職、



數年復拜度支尚書。元皇后梓宮將遷于峻陽陵。舊制旣塋。帝及羣臣卽吉。尚書奏皇太子亦宜釋服。預議皇太子宜復古典。以諒闇不制。從之。預以時厯差舛。不應暑度。奏上二元乾度厯行于世。預又以孟津渡險。有覆沒之患。請建河橋于富平津。議者以爲殷周所都。厯聖賢而不作者。少不可立故也。預曰。造舟爲梁。則河橋之謂也。及橋成。帝從百僚臨會。舉觴屬預曰。非君此橋不立也。對曰。非陛下之明。臣亦不得施其

微巧周廟欹器至漢東京猶在御坐漢末卒亂  
不復存形制遂絕預創意造成奏上之帝甚嘉  
歎焉咸寧四年秋大霖雨蝗蟲起預上疏多陳  
農要事在食貨志預在內七年損益萬機不可  
勝數朝野稱美號曰杜武庫言其無所不有也  
時帝密有滅吳之計而朝議多違唯預羊祜張  
華與帝意合祜病舉預自代因以本官假節行  
平東將軍領征南軍司及祜卒拜鎮南大將軍  
都督荊州諸軍事給追鋒車第二駙馬預旣至



鎮繕兵甲。耀威武。乃簡精銳襲吳西陵督張政。大破之。以功增封三百六十五戶。政。吳之名將也。據要害之地。恥以無備取敗。不以所喪之實告于孫皓。預欲間吳邊將。乃表還其所獲之衆于皓。皓果召政。遣武昌監劉憲代之。故大軍臨至。使其將帥移易。以成傾蕩之勢。預處分既定。乃啓請伐吳之期。帝報待明年。方欲大舉。預表陳至計。時帝與中書令張華圍碁。而預表適至。華推枰歛手曰。陛下聖明神武。朝野清晏。國富

兵強號令如一。吳主荒淫驕虐。誅殺賢能。當今  
討之。可不勞而定。帝乃許之。預以太康元年正  
月陳兵于江陵。遣叅軍樊顯尹林鄧圭襄陽太  
守周奇等。率衆循江西上。授以節度。旬日之間。  
累尅城邑。皆如預策焉。又遣牙門管定周旨伍  
巢等。率奇兵八百。泛舟夜渡。以襲樂鄉。多張旗  
幟。起火巴山。出于要害之地。以奪賊心。吳都督  
孫歆震恐。與伍延書曰。北來諸軍。乃飛渡江也。  
吳之男女降者。萬餘口。旨巢等伏兵樂鄉城外。



歆遣軍出距王濬大敗而還。旨等發伏兵隨歆軍而入。歆不覺。直至帳下。虜歆而還。故軍中爲之謠曰。以計代戰。一當萬。于是進逼江陵。吳督將伍延僞請降。而列兵登陴。預攻尅之。旣平。上流于是沅湘以南。至于交廣。吳之州郡皆望風。歸命奉送印綬。預仗節稱詔而綏撫之。凡所斬及生獲。吳都督監軍十四。牙門郡守百二十餘人。又因兵威。徙將士屯戍之家。以實江北南郡。故地各樹之。長吏荆士肅然。吳人赴者如歸矣。

王濬先列上得孫歆頭。預後生送歆洛中，以爲大笑。時衆軍會議，或曰：「百年之寇，未可盡尅。」今向暑水潦方降，疾疫將起，宜俟來冬，更爲大舉。」預曰：「昔樂毅藉濟西一戰，以并強齊。今兵威已振，譬如破竹，數節之後，皆迎刃而解，無復著手處也。」遂指授羣帥，徑進秣陵。所過城邑，莫不束手。議者乃以書謝之。孫皓旣平，振旅凱入，以功進爵當陽縣侯，增邑并前九千六百戶，封子耽爲亭侯，千戶，賜絹八千匹。初，攻江陵，吳人知預



病癭。憚其智計。以瓠繫狗頸示之。每大樹似癭。輒砍。使白題曰杜預頸。及城平。盡捕殺之。預旣還鎮。累陳家世吏職。武非其功。請還。不許。預以天下雖安。忘戰必危。勤于講武。修立泮宮。江漢懷德。化被萬里。攻破山夷。錯置屯營。分據要害之地。以固維持之勢。又修邵信臣遺跡。激用滎。消諸水。以浸原田。萬餘頃。分疆刊石。使有定分。公私同利。衆庶賴之。號曰杜父。舊水道唯沔。漢達江陵。千數百里。北無通路。又巴丘湖沅湘之

會表裏山川實爲險固荆蠻之所恃也預乃開  
楊口起夏水達巴陵千餘里內瀉長江之險外  
通零桂之漕南土歌之曰後世無叛由杜翁孰  
識智名與勇功預公家之事知無不爲凡所興  
造必攷度始終鮮有敗事或譏其意碎者預曰  
禹稷之功期于濟世所庶幾也預好爲後世名  
常言高岸爲谷深谷爲陵刻石爲二碑紀其勲  
績一沉萬山之下一立峴山之上曰焉知此後  
不爲陵谷乎預身不跨馬射不穿札而每任大



事。輒居將率之列。結交接物。恭而有禮。問無所  
隱。誨人不倦。敏於事而慎於言。既立功之後。從  
容無事。乃耽思經籍。爲春秋左氏經傳集解。又  
叅攷衆家譜第。謂之釋例。又作盟會圖。春秋長  
厯。備成一家之學。比老乃成。又撰女記讚。當時  
論者。謂預文義質直。世人未之重。唯秘書監摯  
虞賞之。曰。左丘明本爲春秋作傳。而左傳遂自  
孤行。釋例本爲傳設。而所發明。何但左傳故。亦  
孤行。時王濟解相馬。又甚愛之。而和嶠頗聚歛。

預常稱濟有馬癖。嶠有錢癖。武帝聞之。謂預曰。卿有何癖。對曰。臣有左傳癖。預在鎮。數餉遺洛中貴要。或問其故。預曰。吾但恐爲害不求益也。預初在荊州。因宴集醉臥。坐中外人聞嘔吐聲。竊窺于戶。止見一大蛇垂頭而吐。聞者異之。其後徵爲司隸校尉。加位特進。行次鄧縣而卒。時年六十三。帝甚嗟悼。追贈征南大將軍。開府儀同三司。謚曰成。預先爲遺令。子孫一以遵之。子錫嗣。



杜征南集終

寶公寶

寶公寶

寶公寶

一



荀公曾集

晉荀公曾集題詞

荀成侯學古而佞者也史責其援朱  
均以貳極煽褒閭而偶震至於斗粟  
興謠踰里成詠階禍已甚誠無辭焉  
勗博聞明識牛鐸諧樂勞薪炊飯咸  
能辨之茂先倫匹也顧其文采則謝



弗如泰始中與傅張同造歌詩荀尤  
少味始歎班固明堂寶鼎不可復作  
獨其條問列和表正笛聲樂家之論  
盡稱爲優其他簡牘亦云清令蓋晉  
初之文羹玄尚存雕幾未極名人吐  
辭簡直近理江左文士盛談茂先散

珠太冲橫錦若二荀者流忽而不言  
不幾乘大輅笑椎輪乎無惑乎六朝  
體製追時爲工登高望之旗靡轍亂  
也東漢荀氏後多顯人景倩旣讓文  
若公曾尤媿慈明何其子孫位通而  
德儉也以是名克家然乎



婁東張溥題

晉荀公曾集目錄

賦

蒲萄賦

奏

條牒問列和諸律意狀奏

表

辭尚書令表

讓豫州大中正表

讓樂事表



答問三公表

對

議遣王公之國對

議增置文法對

議

省吏議

甲乙議

書

爲文王與孫皓書

答王琛書

序

穆天子傳序

樂歌

晉四廟樂歌

正旦大會行禮歌

於皇

明明

邦國



祖宗

王公上壽歌

踐元辰

食舉樂東西廂歌

煌煌

賓之初筵

三后

赫矣

烈矣

猗歟

隆化

振鷺

翼翼

既宴

時雍

嘉會

晉正德大豫舞歌

正德舞歌



大豫舞歌

詩

從武帝華林園宴

二首

附錄

本傳

荀公曾集目錄終

晉荀公曾集卷全

晉 穎川荀勗 著

明 太倉張溥 閱

賦

蒲萄賦

靈運宣流休祥允淑懿彼秋方乾元是畜有蒲  
萄之珍奇應淳和而延育



古今集卷八  
一

古今集卷八  
一

古今集卷八  
一

古今集卷八  
一

奏

條牒問列和諸律意狀奏

泰始十年中書監荀勗中書令張華出御府銅竹律二十五具部太樂郎劉秀等校試其三具與杜夔及左延年律法同其二十二具視其銘題尺寸是笛律也。問協律中郎將列和辭昔魏明帝時令和承受一笛聲以作此律欲使學者別居一坊歌詠講習依此律調至于都合樂時但識其尺寸之名則絲竹歌詠皆得均合。歌聲濁者用長笛長律。歌聲清者用短笛短律。歌凡絃歌調張清濁之制不依笛尺寸名之則不可知也。勗等奏奏可。

昔先王之作樂也。以振風蕩俗。饗神祐賢。必協



律呂之和。以節八音之中。是故郊祀朝宴。用之有制。歌奏分敘。清濁有宜。故曰五聲十二律。還相爲宮。此經傳記籍可得而知者也。如和對辭。笛之長短。無所象則。率意而作。不由曲度。考以正律。皆不相應。吹其聲。均多不諧合。又辭先師傳笛。別其清濁。直以長短。工人裁制。舊不依律。是爲作笛無法。而和寫笛造律。又令琴瑟歌詠。從之爲正。非所以稽古先哲。垂顯于後者也。謹條牒諸律問和意狀如左。及依典制。用十二律。

造笛象十二枚。聲均調和。器用便利。講肄彈擊。必合律呂。况乎宴饗萬國。奏之廟堂者哉。雖伶夔曠遠。至音難精。猶疑儀形古者。以求厥衷。合乎經禮。於制爲詳。若可施用。請更部笛工。選竹造作。下太樂樂府施行。平議諸杜夔左延年律。可皆留其御府。笛正聲下徵各一具。皆銘題作者姓名。其餘無所施用。還付御府毀。祐宋書作左中作用最又問和作笛爲可依十二律作十二笛。令一孔依一律。然後乃以爲樂不和。辭太樂東廂長



笛正聲已長四尺二寸。今當復取其下徵之聲。於法身濁者。笛當長計其尺寸。乃五尺有餘。和昔日作之。不可吹也。又笛諸孔。雖不按試。意謂不能得一孔。輒應一律也。按太樂四尺二寸笛。正聲均應蕤賓。以十二律還相爲宮。推法下徵之孔。當應律大呂。大呂笛長二尺六寸有奇。不得長五尺餘。輒令太樂郎劉秀鄧昊等依律作大呂笛以示和。又吹七律一孔。一按聲皆相應。然後令郝生鼓箏宋同吹笛。以爲襍引相和。諸

曲和乃辭曰。自和父祖漢世以來。笛家相傳。不知此法。而令調均與律相應。實非所及也。郝生魯基种整朱夏皆與和同。

又問和笛有六孔。及其體中之空爲七。和爲能盡名其宮商角徵羽孔。調與不調。以何檢知。和辭先師相傳吹笛。但以作曲相語。爲某曲當舉某指。初不知七孔盡應何聲也。若當作笛。其仰尚方笛工。依按舊像訖。但吹取鳴者。初不復按其諸孔。調與不調也。按周禮調樂。金石有一定



之聲。是故造鐘磬者。先依律調之。然後施於廂。  
懸。作樂之時。諸音皆受鐘磬之均。卽爲悉應律。  
也。至於饗宴。殿堂之上。無廂懸鐘磬。以笛有一。  
定。調。故。諸。絃。歌。皆。從。笛。爲。正。是。爲。笛。猶。鐘。磬。宜。必。  
合。於。律。呂。如。和。所。對。直。以。意。造。率。短。一。寸。七。孔。  
聲。均。不。知。其。皆。應。何。律。調。與。不。調。無。以。檢。正。惟。  
取。竹。之。鳴。者。爲。無。法。制。輒。令。部。郎。劉。秀。鄧。昊。王。  
艷。魏。邵。等。與。笛。工。參。共。作。笛。工。人。造。其。形。律。者。  
定。其。聲。然。後。器。象。有。制。音。均。和。協。

又問和若不知律呂之義作樂音均高下清濁之調當以何名之和辭每合樂時隨歌者聲之清濁用笛有長短假令聲濁者用三尺二笛因名曰此三尺二調也聲清者用二尺九笛因名曰此二尺九調也漢魏相傳施行皆然按周禮奏六樂乃奏黃鐘歌大呂乃奏太簇歌應鐘皆以律呂之義紀歌奏清濁而和所稱以二尺三尺爲名雖漢魏用之俗而不典部郎劉秀鄧昊等以律作笛三尺二寸者應無射之律若宜用



長○笛○執○樂○者○曰○請○奏○無○射○周○語○曰○無○射○所○以○宣  
布○哲○人○之○令○德○示○民○軌○儀○也○二○尺○八○寸○四○分○四  
釐○應○黃○鍾○之○律○若○宜○用○短○笛○執○樂○者○曰○請○奏○黃  
鍾○周○語○曰○黃○鍾○所○以○宣○養○六○氣○九○德○也○是○則○歌  
奏○之○義○若○合○經○禮○考○之○古○典○於○制○爲○雅○

表

辭尚書令表

昔六官所掌。冢宰爲首。秦公卿贊以丞相御史爲冠。今者尚書令總此三者。非臣驚聞所宜忝竊。

讓豫州大中正表

被勅以臣爲豫州大中正。臣與州閭鄉黨。初不相接。臣本州十郡。方與他州人數倍多。品藻人物。以正一州請論。此乃臧否之本。風俗所重。



讓樂事表

臣掌著作。又知秘書。今覆校錯誤十萬餘卷。書不可。倉卒復兼他職。必有廢頓。

答問三公表

咸寧四年司徒王曾遷太宰。詔問勛。司徒處當得人。副遠近之望。并治事見才誰可也。

勛表。

三公具瞻之望。誠不可用非其人。昔魏文帝用賈詡爲公。孫權笑之。尚書令李膺忠亮高潔。堪處台輔。

薦三公保傳表

三公保傳宜得其人。若使楊珧叅輔東宮，必當  
仰稱聖意，尚書令衛瓘、吏部尚書山濤皆可爲  
司徒。如以瓘新爲令，未出者，濤卽其人。



荀公曾集卷全

荀公曾集卷全

荀公曾集卷全

荀公曾集卷全

荀公曾集卷全

對

議遣王公之國對

如詔準古方伯選才。使軍國各隨方面爲都督。  
誠如明旨。至於割正封疆。使親疎不同。誠爲佳  
矣。然分裂舊土。猶懼多所搖動。必使人心忽擾。  
思惟竊宜如前。若於事不得不時有所轉封。而  
不至分割土域。有所損奪者。可隨宜節度。其五  
等體國經遠。實不成制度。然但虛名。其於實事。  
畧與舊郡縣鄉亭無異。若造次改奪。恐不能不



以爲恨。今方了其大者。以爲五等可須後裁度。  
凡事雖有久而益善者。若臨時或有不解。亦不  
可忽。

### 議增制文法對

門下啓通事令史伊羨趙咸爲  
舍人對掌文法詔以問勗勗對

今天下幸賴陛下聖德。六合爲一。望道化隆。洽  
垂之將來。而門下上稱程咸張暉。下稱此等。欲  
以文法爲政。皆愚臣所未達者。昔張釋之諫漢  
文。謂獸圈膏夫。不宜見用。酈吉住車。明調和陰

陽之本。此二人豈不知小吏之惠誠重惜大化也。昔魏武帝使中軍司荀攸典刑獄。明帝時猶以付內常侍。以臣所聞。明帝時唯有通事劉泰等官。不過與殿中同號耳。又頌言論者皆云省官減事。而求益吏者相尋矣。多云尚書郎大令史。不親文書。乃委付書令史。及幹。誠吏多則相倚也。增置文法之職。適恐更耗擾臺閣。臣竊謂不可。



天  
公  
集

天  
公  
集

天  
公  
集

天  
公  
集

天  
公  
集

議

# 省吏議

時議省州郡縣半吏以赴農功勗議云、

省吏不如省官。省官不如省事。省事不如清心。昔蕭曹相漢。載其清靜。致畫一之歌。此清心之本也。漢文垂拱。幾致刑措。此省事也。光武併合吏員。縣官國邑。裁置十一。此省官也。魏太和中。遣王人四出。減天下吏員。正始中。亦并合郡縣。此省吏也。今必欲求之於本。則宜以省事爲先。



凡居位者。使務思蕭曹之心。以翼佐大化。篤義行。崇敦睦。使昧寵忘本者不得容。而僞行自息。浮華者懼矣。重敬讓。尚止足。令賤不妨貴。少不陵長。遠不間親。新不間舊。小不加大。淫不破義。則上下相安。遠近相信矣。位不可以進起得。譽不可以朋黨求。則是非不妄而明。官人不惑於聽矣。去奇技。抑異說。好變舊以徼非常之利者。必加其誅。則官業有常。人心不遷矣。事留則政稽。政稽則功廢。處位者而孜孜不怠。奉職司者。



而夙夜不懈則雖在挈瓶而守不假器矣使信  
若金石小失不害大政忍忿捐以容人簡文案  
畧細苛命之所施必使人易視聽願之如陽春  
畏之如雷震勿使微文煩撓爲百吏所黷二三  
之命爲百姓所壓則吏竭其誠下悅上命矣設  
官分職委事責成君子心競而不力爭量能受  
任思不出位則官無異業政典不奸矣凡此者  
愚所謂省事之本也苟無此愆雖不省吏天下  
必謂之省矣若欲省官私謂九寺可并於尙書



蘭臺宜省付三府。然施行歷代世之所習。是以久抱愚懷。而不敢言。至於省事。實如爲善。若直作大例。皆減其半。恐文武眾官。郡國職業及事之興廢。不得皆同。凡發號施令。典而當則安。倘有駁者。或致壅否。凡職所臨履。先精其得失。使忠信之官。明察之長。各裁其中。先條上言之。然後混齊大體。詳宜所省。則令下必行。不可搖動。如其不爾。恐適惑人聽比。荷行所省。皆須臾輒復。或激而滋繁。亦不可不重。

甲乙議

昔鄉里鄭子羣娶陳司空從妹後隔呂布之亂不復相知存亡更娶鄉里蔡氏女徐州平定陳氏得還遂二妃並存蔡氏之子字元爨爲陳氏服嫡母之服事陳公以從舅之禮族兄宗伯曾責元爨調抑其親鄉里先達以元爨爲合宜不審此事粗相似否

又王昌荷母服議畧同



...

...

...

...

...

...

...

書

爲文王與孫皓書

時遣吳壽春降將徐紹孫彧銜命齎書皓遣使報書方發使聘吳並令當時文士作書昭用勗所作皓既報命和親昭謂勗曰君前作書使吳思順勝十萬之衆也孫楚爲石苞與皓書亦此時徐紹孫彧與符邵孫郁參誤

聖人稱有君臣然後有上下禮義是故大必字小小必事大然後上下安服羣生獲所逮至末塗純德旣毀勦民之命以爭彊於天下違理順之至理則仁者弗由也方今主上聖明覆幬無



外僕備位宰輔。屬當國重。惟華夏乖殊。方隅圯  
裂。六十餘載。金革亟動。無年不戰。暴骸喪元。困  
悴罔定。每用悼心。坐以待旦。將欲止戈興仁。爲  
百姓請命。故分命偏師。平定蜀漢。役未經年。全  
軍獨克。于時猛將謀夫。朝臣庶士。咸以奉天時  
之宜。就旣征之軍。藉吞敵之勢。宜遂回旗東指。  
以臨吳境。舟師泛江。順流而下。陸軍南轅。取徑  
四郡。兼成都之械。漕巴漢之粟。然後以中軍整  
旅。三方雲會。未及浹辰。可使江表底平。南夏順

軌○然○國○朝○深○惟○伐○蜀○之○舉○雖○有○靜○難○之○功○亦○悼○  
蜀○民○獨○罹○其○害○戰○於○緜○竹○者○自○元○帥○以○下○並○受○  
斬○戮○伏○屍○蔽○地○血○流○丹○野○一○之○於○前○猶○追○恨○不○  
忍○况○重○之○於○後○乎○是○故○旅○師○按○甲○思○與○南○邦○共○  
全○百○姓○之○命○夫○料○力○忖○勢○度○資○量○險○遠○攷○古○昔○  
廢○興○之○理○近○鑒○西○蜀○安○危○之○効○隆○德○保○祚○去○危○  
卽○順○屈○已○以○宣○四○海○者○仁○哲○之○高○致○也○履○危○儉○  
安○隕○德○覆○祚○而○不○稱○於○後○世○者○非○智○者○之○所○居○  
也○今○朝○廷○遣○徐○紹○孫○或○獻○書○喻○懷○若○書○御○於○前○



必少留意。回慮革筭。結歡弭兵。共爲一家。惠矜  
吳會。施及中土。豈不泰哉。此昭心之大願也。敢  
不承受。若不獲命。則普天率土。期於大同。雖重  
干戈。固不獲已也。太平御覽載荀勗爲文王與  
孫皓書。餉雜色綾十端。又餉  
穀三端。又餉  
細縑十疋。

答王琛書

王陶丘州人

闕

廟盜鮮卑金頭寶帶十二枚

序

穆天子傳序

勗領秘書監時得汲冢中古文作書詔勗撰次以爲中經列在秘書

序古文穆天子傳者太康二年汲縣民不准盜發古塚所得書也。皆竹簡素絲編。以臣勗前所攷定古尺度其簡長二尺四寸。以墨書一簡四十字。汲者戰國時魏地也。按所得紀年蓋魏惠成王子令王之塚也。於世本蓋襄王也。按史記六國年表。自令王二十一年。至秦始皇三十四



年。燔書之歲。八十六年。及至太康二年。初得此書。凡五百七十九年。其書言周穆王游行之事。春秋左氏傳曰。穆王欲肆其心。周行于天下。將皆使有車轍馬迹焉。此書所載。則其事也。王好巡守。得盜驪騄耳之乘。造父爲御。以觀四荒。北絕流沙。西登崑崙。見西王母。與太史公記同。汲郡收書不謹。多毀落殘缺。雖其言不典。皆是古書。頗可觀覽。謹以二尺黃紙寫上。請事平以本簡書。及所新寫。並付秘書繕寫。藏之中經。副在

三閣謹序

南公曾集

卷八

序

七



人  
事  
物  
之  
變  
化  
無  
窮  
而  
其  
理  
一  
也

人  
事  
物  
之  
變  
化  
無  
窮  
而  
其  
理  
一  
也

人

事

物  
之  
變  
化  
無  
窮  
而  
其  
理  
一  
也

# 樂歌

## 晉四廂樂歌

晉書樂志曰魏杜夔傳舊雅樂四曲一曰鹿鳴二曰騶虞三曰伐檀四曰文王皆古聲辭及太和中左延年改夔騶虞伐檀文王三曲更自作聲節其名雖同而聲實異唯因夔鹿鳴全不改易正旦大會太尉奉璧羣后行禮東廂雅樂常作者是也後又改三篇第一曰於赫篇詠武帝聲節與古鹿鳴同第二曰巍巍篇詠文帝用延年所改騶虞聲第三曰洋洋篇詠明帝用延年所改文王聲第四曰日復用鹿鳴鹿鳴之聲重用而除古伐檀古今樂錄曰漢故事上壽用四會曲魏明帝青龍二年以長笛食舉第十一古大置酒曲代四會又易古詩名



日羽觴行。用爲上壽曲。施用最在前。鹿鳴以下十二曲。名食舉樂。而四會之曲。遂廢。晉書樂志曰。泰始中。使傅玄荀勗張華各造正旦大會行禮及王公上壽酒食舉樂歌詩。勗乃更作行禮詩四篇。又爲正旦大會王公上壽歌詩。并食舉樂歌詩合十三篇。又以魏氏歌詩。或二言。或三言。或四言。或五言。與古詩不類。以問司律中郎將陳頎。頎曰。被之金石。未必皆當。故勗造晉歌。皆爲四言。唯王公上壽酒一篇。爲三言五言焉。

## 正旦大會行禮歌

於皇

宋書樂志曰。晉荀勗造正旦大會行禮歌四篇。一曰於皇當魏於赫。

於皇元首羣生資始履端大亨敬御繁祉肆覲  
羣后爰及卿士欽順則元尤也天子

明明

當魏  
巍巍

明明天子臨下有赫四表宅心惠浹荒貊柔遠  
能邇孔淑不逆來格祁祁邦家是若

邦國

當魏  
洋洋

光光邦國天篤其祜丕顯哲命顧柔三祖世德  
作求奄有九土思我皇度彝倫攸序

祖宗

當魏  
鹿鳴



惟祖惟宗高朗緝熙對越在天駿惠在茲聿求厥成我皇崇之式固其猶往敬用治。

王公上壽酒歌

踐元辰

當魏羽觴行

踐元辰延顯融獻羽觴祈令終我皇壽而隆我皇茂而嵩本支奮百世休祚鍾聖躬。

食舉樂東西廂歌

煌煌

當鹿鳴

煌煌七曜重明交暢我有嘉賓是應是貺邦政

既圖接以大饗人之好我式遵德讓

賓之初筵

當於穆

賓之初筵藹藹濟濟既朝乃宴以洽百禮頒以  
位敘或廷或陛登儉台叟亦有兄弟胥子陪寮  
憲茲度楷觀頤養正隆福孔偕

三台

當昭昭

昔我三后大業是維今我聖皇焜燿前暉奕世  
重規明照九畿思輯用光時罔有違陟禹之跡  
莫不來威天被顯祿福履是綏



赫矣

當華

赫矣太祖克廣明德廓開宇宙正世立則變化  
不經民無瑕慝創業垂統兆我晉國

烈文

當朝

烈文伯考時惟帝景夷險平亂威而不猛御衡  
不迷皇塗煥炳七德咸宣其宜惟永

猗歟

當盛

猗歟盛歟先皇聖文則天作孚大哉爲君慎徽  
五典帝載是勤文武發揮茂建嘉勳修己濟治

民用宜殷。懷遠燭幽。玄教氛氲。善世不伐。服事三分。德博化隆。道冒無垠。

隆化

當緩萬邦

隆化洋洋。帝命溥將。登我晉道。越惟聖皇。龍飛葦運。臨燾八荒。獻哲欽明。配蹤虞唐。封建厥福。駿發其祥。三朝習吉。終然允臧。其臧惟何。總彼萬方。元侯列辟。四嶽藩王。時見世享。率茲有常。旅揖在庭。嘉客在堂。宋衛旣臻。陳留山陽。我有賓使。觀國之光。貢賢納計。獻璧奉璋。保佑命之。



申錫無疆

振鷺

當朝朝

振鷺于飛，鴻漸其翼。京邑穆穆，四方是式。無競惟人，王綱允敕。君子來朝，言觀其極。

翼翼

當順天

虞虞大君，民之攸暨。信理天工，惠康不匱。將遠不仁，訓以純粹。幽明有倫，俊乂在位。九族旣睦，庶邦順比。開元布憲，四海鱗萃。協物正統，殊塗同致。厚德載物，靈心隆貴。敷奏讜言，納以無諱。

樹之典象，誨之義類。上教如風，下應如卉。一人有慶，羣萌以遂。我后宴喜，令問不墜。

既宴

當陟天庭

既宴既喜，翕是萬邦。禮儀卒度，物有其容。晰晰庭燎，嗶嗶鼓鐘。笙磬詠德，萬舞象功。八音克諧，俗易化從。其和如樂，庶品時邕。

時雍

當參兩儀

時邕斌斌

宋書作份份

六合同塵，往我祖宣。威靜殊

隣，首定荆楚。遂平燕秦，亶亶文皇。邁德流仁，爰



造艸昧應乾順民靈瑞告符休徵響震天地弗  
違以和神人既哉庸蜀吳會是賓肅慎率職梏  
矢來陳韓濊進樂均晉書作宮協清鈞西旅獻獒扶  
南效珍蠻裔重譯玄齒文身我皇撫之景命惟  
新

嘉會

悒悒嘉會有聞無聲清酤既奠籩豆既馨晉書作升  
禮克樂備簫韶九成愷樂飲酒酣而不盈率土  
歡豫邦國以宣王猷允塞萬載無傾

晉正德大豫舞歌

正德舞歌

人文垂則盛德有容聲以依詠舞以象功干戚  
發揮節以笙鏞羽籥雲會翊宣令蹤敷美盡善  
允協時邕煥炳其章光乎萬邦萬邦洋洋承我  
晉道配天作享元命有造上化如風民應如草  
穆穆斌斌形于綴兆文武旁作慶流四表無兢  
維烈永世是紹

大豫舞歌



豫順以動大哉惟時時邁其仁世載邕熙兆我  
區夏宣文是基大業惟新我皇隆之重光累暉  
欽明文思迄用有成惟晉之祺穆穆聖皇受命  
既固品物咸寧芳烈雲布文教旁通篤以涖素  
玄化洽暢被之暇豫作樂崇德同美韶濩濬邇  
幽遐式遵王度

詩

從武帝華林園宴二章

初學記作荀勗從武帝華林園燕文類聚逸勗各後人遂以爲武帝詩誤也

習習春陽帝出乎震

叶平聲

天施地生以應仲春

思文聖皇順時秉仁欽若靈則飲御嘉賓洪恩普暢慶乃衆臣

其慶維何錫以帝祉肆覲羣后有客戾止外納要荒內延卿士簫管詠德八音咸理凱樂飲酒莫不宴喜



...

...

...

...

# 本傳

荀勗字公曾，潁川潁陰人。漢司空爽曾孫也。祖  
棐，射聲校尉。父昝，早亡。勗依于舅氏。岐嶷夙成，  
年十餘歲，能屬文。從外祖魏太傅鍾繇曰：「此兒  
當及其曾祖。」旣長，遂博學，達於從政。仕魏，辟大  
將軍曹爽掾，遷中書通事郎。爽誅，門生故吏無  
敢往者。勗獨臨赴衆，乃從之。爲安陽令，轉驃騎  
從事中郎。勗有遺愛，安陽生爲立祠。遷廷尉正。  
叅文帝大將軍軍事，賜爵關內侯，轉從事中郎。



領記室。高貴鄉公欲爲變。時大將軍掾孫佑等  
守閭闔門。帝弟安陽侯幹聞難欲入。佑謂幹曰  
未有入者。可從東掖門。及幹至。帝遲之。幹以狀  
白。帝欲族誅佑。勗諫曰。孫佑不納安陽。誠宜深  
責。然事有逆順。用刑不可以喜怒爲輕重。今成  
倖刑止其身。佑乃族誅。恐義士私議。乃免佑爲  
庶人。時官騎路遺求爲刺客入蜀。勗言於帝曰。  
明公以至公宰天下。宜仗正義。以伐違貳。而名  
以刺客除賊。非所謂刑于四海以德服遠也。帝

稱善及鍾會謀反。審問未至。而外人先告之。帝待會素厚。未之信也。勗曰。會雖受恩。然其性未可許。以見得思義。不可不速爲之備。帝卽出鎮長安。主簿郭奕。叅軍王深。以勗是會從甥。少長舅氏。勸帝斥出之。帝不納。而使勗陪乘待之。如初。先是勗啓伐蜀。宜以衛瓘爲監軍。及蜀中亂。賴瓘以濟。會平。還洛。與裴秀。羊祜。共管機密。時將發。使聘吳。並遣當時文士作書與孫皓。帝用勗所作。皓旣報命和親。帝謂勗曰。君前作書。使



吳思順勝十萬之衆也。帝卽晉王位，以勗爲侍中，封安陽子，邑千戶。武帝受禪，改封濟北郡公，勗以羊祜讓，乃固辭爲侯，拜中書監，加侍中，領著作，與賈克共定律令。克將鎮關右也，勗謂馮統曰：「賈公遠放，吾等失勢。太子婚尚未定，若使克女得爲妃，則不留而自停矣。」勗與統伺帝間，並稱克女才色絕世，若納東宮，必能輔佐君子，有關雎后妃之德，遂成婚。當時甚爲正直者所疾，而獲佞媚之譏焉。久之，進位光祿大夫，旣掌

樂事又修律呂並行於世初勗於路逢趙賈人牛鐸識其聲及掌樂音韻未調乃曰得趙之牛鐸則諧矣遂下郡國悉送牛鐸果得諧者又嘗在帝座進飯謂在坐人曰此是勞薪所炊咸未之信帝遣問饎夫乃云實用故車脚舉世伏其明識俄領秘書監與中書令張華依劉向別錄整理記籍又立書博士置弟子教習以鍾胡爲法咸宣初與石苞等竝爲佐命功臣列於銘饗及王濬表請伐吳勗與賈充固諫不可帝不從



而吳果滅。以專典詔命論功。封子一人爲亭侯。邑一千戶。賜絹千匹。又封孫顯爲潁陽亭侯。及得汲郡冢中古文竹書。詔勗撰次之。以爲中經。列在秘書。時議遣王公之國。帝以問勗。勗對曰。諸王公已爲都督。而使之國。則廢方任。又分割郡縣。人心戀本。必用嗷嗷。國皆置軍。官兵還當給國。而闕邊守。帝重使勗思之。勗又陳。帝以勗言爲允。多從其意。時又議省州郡縣。半吏以赴農功。勗議以爲省吏不如省官。省官不如省事。

省事不如清心、勗論議損益多、此類太康中詔  
曰、勗明哲聰達、經識天序、有佐命之功、兼博洽  
之才、久典內任、著勳弘茂、詢事考言、謀猷允誠  
宜登大位、毗贊朝政、今以勗爲光祿大夫儀同  
三司、開府辟召、守中書監侍中、侯如故、時大尉  
賈充、司徒李膺、竝薨、太子太傅又缺、勗表陳二  
公保傳宜得其人、若使楊珧叅輔東宮、必當仰  
稱聖意、尚書令衛瓘、吏部尚書山濤皆可爲司  
徒、如以瓘新爲令未出者、濤卽其人、帝並從之、



明年秋，諸州郡大水，尤甚。勗陳宜立都水使者，其後門下啓通事令史伊羨趙咸爲舍人，對掌文法，詔以問勗。勗曰：「不可。時帝素知太子闇弱，恐後亂國，遣勗及和嶠往觀之。勗還，盛稱太子之德，而嶠云：『太子如初。』於是天下貴嶠而賤勗。帝將廢賈妃，勗與馮統等諫，請故得不廢。時議以勗傾國害時，孫資劉放之匹，然性愼密，每有詔令大事，雖已宣布，然終不言，不欲使人知。已豫聞也。族弟良曾勸勗曰：『公大失物，請有』」

所進益者自可語之。則懷恩多矣。其壻武統亦說勗宜有所營置。令有埽戴者。勗並默然不應。退而語諸子曰。人臣不密則失身。樹私則背公。是大戒也。汝等亦當宦達人間。宜識吾此意。久之。以勗守尚書令。勗久在中書。專管機事。及失之。甚惘惘悵悵。或有賀之者。勗曰。奪我鳳凰池。諸君賀我耶。及在尚書課試。令史以下覈其才能。有闇於文法。不能決疑處事者。卽時遣出。帝嘗謂曰。魏武帝言荀文若之進善。不進不止。荀



公達之退惡不退不休。二令君之美亦望於君也。居職月餘以母憂上還印綬。帝不許遣常侍周恢喻旨。勗乃奉詔視職。勗久管機密有才思探得人主微旨不犯頗忤爭故得始終全其寵祿。太康十年卒。詔贈司徒。賜東園秘器。朝服一具。錢五十萬。布百疋。遣兼御史持節護喪。謚曰成。勗有十子。其達者輯。藩組。輯嗣。官至衛尉卒。謚曰簡。子駿嗣。卒。謚曰烈。無適子。以弟息識爲嗣。輯子綽。綽字彥歸。博學有才能。撰晉後書十



五篇傳於世永嘉末爲司空從事中郎沒於石勒爲勒叅軍

晉荀公會集終



青  
林  
公  
集

青  
林  
公  
集

青  
林  
公  
集

青  
林  
公  
集

青  
林  
公  
集







